

02 IUNIE

**PARACLISUL
SF. CUVIOS
DODO
DE LA
GAREDJI
GEORGIEI**



PARACLISIERUL PE IUNIE-GG



სავედრებელი პარაკლისი ღირსისა მამისა ჩუენისა დოდო გარეჯელისა

მღდელო: კურთხეულ არს-ი.

და უკეთუ ერისკაცია, იტყვს: უფალო იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაძთა და ყოველთა წმიდათაძთა, შეგვწყალებ ჩუენ, ამინ.

დიდებაჲ შენდა, ღმერთო ჩუენო, დიდებაჲ შენდა.

მეუფეო ზეცათაო, ნუგეშინისმცემელო, სულო ჭემმარიტებისაო, რომელი ყოველგან ხარ და ყოველსავე ალავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვწყალებ ჩუენ (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალებ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვნდვენ უსჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათჳს. უფალო, შეგვწყალებ (3-გზის). დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაჲ შენი, იყავნ ნებაჲ შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ

მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიჰსნენ ჩუენ ბოროტისაგან.

მღდელი: რამეთუ შენი არს სუფევაა...

გუნდი: ამინ.

უფალო, შეგჳწყალენ (12-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა;

მოვედით, თაყუანის-ვსცეთ და შეუვრდეთ ქრისტესა მეუფესა ჩუენსა ღმერთსა;

მოვედით, თაყუანის-ვსცეთ და შეუვრდეთ თვით ქრისტესა მეუფესა და ღმერთსა ჩუენსა.

უფალო, შეისმინე ლოცვისა ჩემისაჲ, ყურად-ილე ვედრებაჲ ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა

განმართლდეს შენ წინაშე ყოველი ცხოველი, რამეთუ დევნა

მტერმან სული ჩემი და დაამდაბლა ქუეყანად ცხორებაჲ ჩემი,

დამსუა მე ბნელსა შინა, ვითარცა მკუდარი საუკუნოდ. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი.

მოვიჰსენე დღეთა პირველთაჲ, და ვიწურთიდ ყოველთა მიმართ

საქმეთა შენთა და ქმნულსა ჳელთა შენთასა ვზრახევდ. განვიპყრენ

შენდამი ჳელნი ჩემნი, და სული ჩემი, ვითარცა ქუეყანად ურწყული

შენდამი. მსთუად შეისმინე ჩემი, უფალო, რამეთუ მოაკლდა

სულსა ჩემსა; ნუ გარე-მიიქცევ პირსა შენსა ჩემგან, და ვემსგავსო

მათ, რომელნი შთავლენან მღჳმესა. მასმინე მე განთიად წყალობაჲ

შენი, რამეთუ მე შენ გესავ; მაუწყე მე, უფალო, გზაჲ, რომელსაცა

ვიდოდდი, რამეთუ შენდამი აღვიღე სული ჩემი. მიჰსენ მე მტერთა

ჩემთაგან, უფალო, რამეთუ შენ შეგევედრე. მასწავე მე, რადთა ვყო

ნებად შენი, რამეთუ შენ ხარ ღმერთი ჩემი; სული შენი სახიერი მიძლოდეს მე ქუეყანასა წრფელსა. სახელისა შენისათვის, უფალო, მაცხოვრო მე და სიმართლითა შენითა გამოიყვანო ჭირისაგან სული ჩემი. და წყალობითა შენითა მოსრნე მტერნი ჩემნი და წარსწყმიდნე ყოველნი მაჭირვებელნი სულისა ჩემისანი, რამეთუ მე მონაა შენი ვარ.

დიდება მამასა და ძესა და წმიდასა სულსა, აწ და მარადის და უკუნითი უკუნისამდე ამინ.

აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა ღმერთო.
აღილუია, აღილუია, აღილუია, დიდებად შენდა, ღმერთო ჩუენო, დიდებად შენდა.

ღმერთი უფალი და გამოგზნდა ჩუენ, კურთხეულ არს მომავალი სახელითა უფლისადათა.

მუკლი 1. აუვარებდით უფალსა, რამეთუ კეთილ, რამეთუ უკუნისამდე არს წყალობად მისი.

მუკლი 2. ყოველი თესლები გარე მომადგა მე, და სახელითა უფლისადათა ვერეოდე მათ.

მუკლი 3. არა მოვკუდე, არამედ ვცხოვნდე, და განვსთქუნე მე საქმენი უფლისანი.

მუკლი 4. ლოდი, რომელი შეურაცხევეს მაშენებელთა, ესე იქმნათავ კიდეთა, უფლისა მიერ იყო ესე, და არს საკვრველ წინაშე თუალთა ჩუენტა.

ტროპარი

გარეჯითგან ჰბრწყინევდი, ვითარცა სანთელი მაღალსა ზედა სასანთლესა მღდელობისასა, და სამებისა ნათლითა ჰნათობდი რად ქუეყანასა ჩუენსა, მონაზონთა გულსმოდგინებასა აღაორძინებდი და სხუათა უმრავლესთა აღადგინებდი სურვილად მონაზონებისა,

სჯულისა განმწმედელიო მამაო დოდო, ევედრე ქრისტესა ღმერთსა შეწყალებად სულთა ჩუენთათჳს.

დიდება მამასა და ძესა და წმიდასა სულსა.

სხუდ ტროპარი

უდაბნოსა მოქალაქედ და ჳორციტა ანგელოსად, და სასწაულთა მოქმედად გამოსჩნდი ღმერთშემოსილო მამაო დოდო, მარხვითა, მღვიძარებითა და ლოცვითა მაღლი ზეცით მოიღე, და ჳკურნებ უძღურთა სენთა და სულთა, რომელნი სარწმუნოებითა შენდა მოივლტიან; დიდებად, რომელმან მოგცა შენ ძალი; დიდებად, რომელმან გვრგვნოსან-გყო შენ; დიდებად, რომელი იქმს შენ მიერ ყოველთა ზედა სასწაულთა.

აწ და მარადის და უკუნითი უკუნისამდე ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა სადა გვკსნნა ჩუენ ესოდენტა ჳირთაგან; ანუ ვინმცა დაგვცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იკსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღვოცე უსჯულოებად ჩემი. უფროდს განმბანე მე უსჯულოებისა ჩემისაგან და ცოდვათა ჩემთაგან განმწმიდე მე, რამეთუ უსჯულოებად ჩემი მე უწყი, და ცოდვად ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რადთა განმართლდე სიტყუათაგან შენთა და სძლო სჯასა შენსა, რამეთუ ესერა, უსჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჳემმარიტებად შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროდს

თოვლისა განვსპეტაკნე. მასმინო მე გალობად და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უსჯულოებანი ჩემნი აღვოცენ. გული წმიდად დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. მომეც მე სიხარული მაცხოვარებისა შენისა და სულითა მთავრობისადათა დამამტკიცე მე. ვასწავლნე უსჯულოთა გზანი შენნი და უღმრთონი შენდა მოიქცენ. მივსენ მე სისხლთაგან, ღმერთო, ღმერთო ცხორებისა ჩემისაო; იხარებდეს ენად ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხოვდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლი ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ჰყოს. კეთილი უყავ, უფალო, ნებითა შენითა სიონსა და აღემენენ ზღუდენი იერუსალჴმისანი. მაშინ გთნდეს მსხუერპლი სიმართლისად, შესაწირავი და ყოვლად-დასაწუელი, მაშინ შეიწირენ საკურთხეველსა შენსა ზედა ზუარაკნი.

გალობა 1, უგალობდითსა, ჳმა 7

ძლისპირი: ეტლთა სიმრავლე მხედრებითურთ ზღვასა მეწამულსა სიღრმესა შთაითხივნეს სიმტკიცითა მკლავისათა, ქრისტეს მიერ ივსნენ ისრაელნი და ახლად იტყოდეს ძლევისა გალობასა.

ღირსო მამაო დოდო გარეჯელო, ევედრე ღმერთსა ჩუენთჳს

ვაქებთ საკვრველთა მათ ლუაწლითა შენთა და მადლობასა შევსწირავთ ღმერთსა, რომელმან მოგავლინა მოლუაწედ და მლოცველად ერისა ჩუენისა და დიდებად და სიმტკიცედ კახეთისა.

ღირსო მამაო დოდო გარეჯელო, ევედრე ღმერთსა ჩუენთჳს

ნერგად ღმრთივშუენიერად აღმოსცენდი ძირთაგან წარჩინებულთასა, და სიყრმითგან ევლტოდი რაჲ შფოთთა სოფლისათა, ისწრაფდი ანგელოსებრივისა მიმართ ღუაწლისა.

დიდებაჲ მამასა და ძესა და წმიდასა სულსა.

გამოგირჩია რაჲ უფალმან ჭურად რჩეულად, დამტევნელად მადლთა მათ თვსთა, უპოვარებისა მოყუარწ დაეყუდე ნინოწმიდას და ღუაწლითა ძლიერითა სათნო ეყავ ღმერთსა.

აწ და მარადის, და უკუნითი უკუნისამდე, ამინ.

შენ ხარ ჭეშმარიტად დედაჲ ღმრთისაჲ, წმიდაჲ, სამოთხისა სამკაული და მეფეთა ძლევაჲ, და აწ შემსხმელნი შენნი გვკსნენ მტერთა უხილავაგან, ძლევისა გალობითა დღეს.

გალობა 3, განძლიერდასა

ძლისპირი: რომელმან დააფუძნე ქუეყანაჲ წყალთა ზედა და მიეც ნაყოფიერებაჲ ყოვლადვე კლდესა ზედა, ქრისტე, მცნებათა შენთასა შეუძრავსა დაამტკიცე ეკლესიაჲ შენი, მხოლოო სახიერ და კაცთმოყუარე.

ღირსო მამაო დოღო გარეჯელო, ევედრე ღმერთსა ჩუენთვის

გესმა რაჲ საკვრველნი საქმენი დავითისა, ასურეთით ქართლად მოსრულისა და მოწაფისა თვსისა ლუკიანესა თანა გარეჯად დამკვდრებულისა, აღიძარ ხილვად მისა და მიიწიე კარსა ზედა სენაკისა მისისასა.

ღირსო მამაო დოღო გარეჯელო, ევედრე ღმერთსა ჩუენთვის

გიხილა რაჲ, გულისწმა-ყო სიწმიდწ შენი ნეტარმან დავით, და აღივსო სიხარულითა, ხოლო იუბნეთ რაჲ მოძღურებაჲ საღმრთოდ

და სულიერი, ევედრებოდით ღმერთსა, რადთა ივერთა ერი დაიფაროს ყოველთაგან ვნებათა და განსაცდელთა.

დიდება მამასა და ძესა და წმიდასა სულსა.

გხედვიდა რად ფრიად მოლუაწესა, წმიდა იგი გიჩვენებდა გაღმართ კლდესა, და გეტყოდა: „ქმენ სადგური და ეკლესია სახელსა ზედა ყოვლადწმიდისა ღმრთისმშობელისასა“, და გაკურთხა იწროსა მას გზასა ზედა დაყუდებისასა.

აწ და მარადის, და უკუნითი უკუნისამდე, ამინ.

ურიცხუთა განსაცდელთა შინა შთავვარდი უბადრუკი, ჩემთა მათ აურაცხელთა ცოდვათა მიერ და სიღრმედ ბოროტთა მივიწიე საწყალობელი, ხოლო შენ, დედოფალო, წმიდაო, მივსენ მონაა შენი და მაცხოვრე მე.

მივსენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვვლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებულო ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელი: შეგჴყალენ ჩუენ, ღმერთო, დიდითა წყალობითა შენითა, გევედრებით, ისმინე და შეგჴყალენ.

გუნდი: უფალო, შეგჴყალენ (3-გ ზის).

მღდელი: მერმეცა გევედრებით ღმრთივდაცულისა ერისა ჩუენისა და მეუფებისა მისისათჳს (ქრისტჳსმოყუარისა მთავრობისა და მჴედრობისა მისისათჳს).

გუნდი: უფალო, შეგჳწყალენ (3-გ ზის).

მღდელო: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა და ბიჭვინთისა და ცხუმ-აფხაზეთის მიტროპოლიტისა, დიდისა მეუფისა, მამისა ჩუენისა ილიასათჳს, და ყოვლადუსამღდელოესისა (აქა მოიხსენეთ ადგილობრივი მღდელოთმთავარი), და ყოველთა ქრისტჳს მიერ ძმათა ჩუენტათჳს.

გუნდი: უფალო, შეგჳწყალენ (3-გ ზის).

მღდელო: მერმეცა ვევედრნეთ უფალსა ღმერთსა ჩუენსა, რაძთა შეიწყალნეს... (აქა მოიხსენეთ სახელდებით ისინი, ვისთვისაც ვევედრებით ღმერთსა).

გუნდი: უფალო, შეგჳწყალენ (3-გ ზის).

მღდელო: განამრავლე, უფალო, ჟამნი და ჩელნი ცხორებისა მათისანი და იკსნენ იგინი, უფალო, ყოვლისაგან ჭირისა, რისხვისა და იწროებისა, და ყოვლისაგან წყლულებისა სულისა და ჯორცთადასა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჳწყალენ (3-გ ზის).

მღდელო: მერმეცა გევედრებით ყოველთა ძმათა და ყოველთა ქრისტეანეთათჳს.

გუნდი: უფალო, შეგჳწყალენ. (3-გ ზის).

მღდელო: რამეთუ მოწყალე და კაცთმოყუარე ღმერთი ხარ, და შენდა დიდებასა აღვაკლებთ, მამისა, და ძისა, და წმიდისა სულისა, აწ და მარადის, და უკუნითი უკუნისამდე.

გუნდი: ამინ.

წარდგომა

იშუებს აწ ერი ჩუენი ღმრთივბრწყინვალესა მას დღესასწაულსა შენსა, და ძალნიცა ზეცისანი უხილავად გალობენ ძნობითა, ხოლო ბანაკი მონაზონთა იხარებს, მოქადული შრომათათჳს შენთა, უდაბნოსა შინა აღსრულებულთა, ღირსო მამაო დოდო გარეჯელო, ევედრე ქრისტესა ღმერთსა, ცოდუათა მოტევებისა მონიჭებად, სურვილით პატივისმცემელთა წმიდისა ჳსენებისა შენისათა.

გალობა 4, უფალო მესმასა

ძლისპირი: ესმა მოსვლა შენი დიდებული, დაუკვრდა ამბაკუმს, ქრისტე, და შიშით ღალადებდა: გამოხვედ მაცხოვრად ერისა შენისა და ჳსნად ცხებულთა შენთა.

ღირსო მამაო დოდო გარეჯელო, ევედრე ღმერთსა ჩუენტჳს

ერჩდი ბრძანებასა წმიდისა მამისასა, და განხვედ რად რქასა მას, ნეტარო, დაემკვდრე იწროსა მას ნაპრალსა კლდისასა, და შრომითა და მოღუაწებითა სათნო ეყოფვოდი ღმერთსა.

ღირსო მამაო დოდო გარეჯელო, ევედრე ღმერთსა ჩუენტჳს

იყავ რად მხედველი დაფარულთა ვნებათა და საცთურთა ბოროტისათა, განჭურეტდი ყოველთა გულისწადილთა შენდამი მოსწრაფეთა, და განამტკიცებდი ღუაწლთა და სათნოებათა შინა.

დიდება მამასა და ძესა და წმიდასა სულსა.

დაღათუ არს ადგილი ეგე ურწყული და უნუგემისცემოდ, ნეტარო, მრავალნი შეუდგნენ კუალსა შენსა, და იქმნებოდენ რად მონაზონ, ქუაბთა და სენაკთა გამოკუეთდენ კლდეთა შინა.

აწ და მარადის, და უკუნითი უკუნისამდე, ამინ.

ვნებანი სულისანი განკურნენ და განმინანათლე გონებად და გული, დედაო ღმრთისაო, რომელმან ნათლისა მომცემელი, ქრისტე მაცხოვარი უშევ კაცთა.

გალობა 5, ღამითგანსა

ძლისპირი: რომელმან შეიმოსე ნათელი სამოსლად, შენდა მოვილტვი, შენ გიღაღადებ: განანათლე სული ჩემი დაბნელებული, ვითარცა ხარ მხოლო მრავალმოწყალე.

ღირსო მამაო დოდო გარეჯელო, ევედრე ღმერთსა ჩუენთვს

ასწავებდი რაჲ სჯულსა ქრისტეანობისასა წარმართთა, ნათელ-სცემდი მათ, რამეთუ მღდელ იყავ შემწირველი მსხუერპლისად, და ასწავებდი გზასა მას სასუფეველად მიმყუანებელსა.

ღირსო მამაო დოდო გარეჯელო, ევედრე ღმერთსა ჩუენთვს

რომელთა აღირჩიეს შენთანა მოღუაწებად, სანატრელო, აღუშენე ტაძარი სახელსა ზედა ყოვლადწმიდისა ღმრთისმშობელისასა, და აღმართენ მონასტერნი საყოფელად მათდა.

დიდებაჲ მამასა და ძესა და წმიდასა სულსა

მოისწრაფდენ რაჲ ერნი შენდა უდაბნოს, ჰკურნებდი უძლურთა და ბოროტითა სენითა შეპყრობილთა, და განამტკიცებდი მორწმუნეობასა მათსა. აწ სულთა ჩუენთა წყლულებანი განჰკურნე და სიმრთელჴ მოანიჭე ჳორცთა ჩუენთა.

აწ და მარადის, და უკუნითი უკუნისამდე, ამინ.

ღმერთი წმიდად ჯორჯ-შესხმული ჰშევ, ქალწულო, წმიდაო, წმიდა-
მყოფელად ჩუენდა, რომელნი სარწმუნოებით და შიშით წმიდა-
ვჰყოფთ წმიდასა, წმიდა-მყოფელსა ჩუენსა.

გალობა 6, ღაღადყავსა

ძლისპირი: ზღუად აღძრული ღელვითა წარწყმედიელი დააცხრვე,
ქრისტე, შერისხვით დააყუდე. მეცა დანთქმული ცოდვათაგან
აღმომიყვანე, მოწყალე.

ღირსო მამაო დოდო გარეჯელო, ევედრე ღმერთსა ჩუენთვის

ღუაწლსა მას ფიცხელსა შედგომილი განძლიერდი და ცრემლთა
დინებითა სულნელ იქმენ, ვითარცა ნელსაცხებელითა, აწ
გუასხურე ცუარი მადლისა შენისა და მოგვანიჰე მოშურნეობად
უბიწოდსა ცხორებისად.

ღირსო მამაო დოდო გარეჯელო, ევედრე ღმერთსა ჩუენთვის

ცოდვილთა და შეცთომილთა მოაქცევდი სინანულად, და უფალსა
ევედრებოდი რად გაძლიერებასა მათსა, სიყურულითა
გმორჩილებდენ, მამაო, და ადიდებდენ ღმერთსა. მას ევედრე აწ,
რადთა გვჰსნეს ვნებათაგან სულიერთა და ჯორციელთა.

დიდება მამასა და ძესა და წმიდასა სულსა

მრავალსა ჟამსა დაჰყავ რად წინამძღურობასა შინა, მზეებრ
განანათლე უდაბნოდ ესე მჰვეცთა სადგური და ეშმაკთა საყოფელი,
და მათ წილ დაამკვდრე კაცნი ანგელოზთა სწორნი, რადთა მარადის
ადიდებდენ ღმერთსა, ყოვლად ძლიერსა.

აწ და მარადის, და უკუნითი უკუნისამდე, ამინ.

ნუგეშინისმცემელად, და ძალად და შესავედრებელად, და ჯელისაღმპრობელად გვაქუ შენ, ქალწულო, ყოვლად წმიდაო, მოსავნი შენნი გვკვენ ყოველთა ჭირთაგან და განსაცდელთა.

მიკსნენ განსაცდელთაგან მონანი შენნი, ყოვლადწმიდაო ღმრთისმშობელო ქალწულო, რამეთუ ჩუენ ყოველნი, შემდგომად ღმრთისა, შენდა მოვვლტვით, ვითარცა უძლეველისა ზღუდისა და შუამდგომელისა.

მოიხილე ჩუენზედა, ყოვლადქებული ღმრთისმშობელო, და ჯორცთა ჩუენთა წყლულებანი ბოროტნი განჰკურნენ და სულისა ჩუენისა სნეულებანი.

მღდელო: მერმე და მერმე მშუდობით უფლისა მიმართ ვილოცოთ.

გუნდი: უფალო, შეგჯყალენ.

მღდელო: შეგუეჩიენ, გუაცხოვნენ, შეგჯყალენ და დაგვცვენ ჩუენ, ღმერთო, შენითა მადლითა.

გუნდი: უფალო, შეგჯყალენ.

მღდელო: ყოვლადწმიდისა, უბრწუნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომკსენებელთა, თავნი თჳსნი და ურთიერთარს, და ყოველი ცხორებაჲ ჩუენი ქრისტესა ღმერთსა ჩუენსა შევედროთ.

გუნდი: შენ, უფალო.

მღდელო: რამეთუ შენ ხარ მეუფე მშუდობისაჲ, და მაცხოვარი სულთა ჩუენთაჲ, და შენდა დიდებასა აღუავლენთ მამისა, და ძისა, და წმიდისა სულისა, აწ და მარადის, და უკუნითი უკუნისამდე.

გუნდი: ამინ.

კონდაკი

სიყრმე უსრული სიჩჩოსა, ჰასაკ სრულ სიბერედ ისხენ და დანერგენ შორის შენსა ლუაწლნი მამათანი, რწყულნი იგი მათ მიერ მდიდრად ცრემლითა, და შენცა არავე უდებ-ჰყავ ნამცნებნი მათნი, და გამოგვიჩნდი შვილთა ეკლესიისათა მფარველად, თანამოდასეო ზეცისათა მათ ძალთაო, და თანამოკარვეო დავით გარეჯელისაო, სრულებაო მამათაო, ღირსო დოდო.

სხუად კონდაკი

იხარებს ქართველთა ეკლესია შვილთა თანა თვსთა, და იქადის კახეთი აღმოცენებისათვს შენისა, განანათლე რად მკვდრნი მისნი საღმრთოდთა სწავლითა, და გარეჯის უდაბნოსა შინა განამრავლე სავანენი და აღავსე მამათა მიერ სულიერთა, ჰმწყსიდი რად შიშითა ღმრთისადთა და ჭემმარტითა მოძღურებითა, ღირსო მამაო დოდო გარეჯელო, და ჰბრწყინავ ზეცათა შინა.

იკოსი

მადლითა საღმრთოდთა განანათლენ რად მხარჯ კახეთისად, მაუწყებელ-არს „დოდორქად“ მოლუაწებათა შენთა საკვრველთა და ღალადებს შენთა შრომათათვს მათ შორის აღსრულებულთა, ამისთვს მოჯკსენებთ ნაშენებთა შენთა და ვევედრებით განმადიდებელსა შენსა, რადთა ღირს-გვყოს გარეჯის სავანეთა აღდგინებისა, და მათ შინა მოლუაწეთა მამათა განმრავლებისა და მსახურებასა შინა შენმიერითა მადლითა განმტკიცებისა.

მღდელმან: მოხედენ, სიბრძნით.

წარდგომა ჯმად 4 - პატროსან-არს წინაშე უფლისა სიკუდილი წმიდათა მისთა.

მუხლი: უგალობდეთ ღირსნი მისნი უფალსა.

მღდელომან: უფლისა მიმართ ვილოცოთ.

გუნდი: უფალო, შეგჳწყალენ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაკლონთ, მამისა, და ძისა და წმიდისა სულისა, აჲ და მარადის, და უკუნითი უკუნისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელომან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალენ (3-გ ზის).

მღდელომან: სიბრძნით აღემართენით და ისმინეთ წმიდა სახარება, მშუდობაჲ ყოველთა.

გუნდი: და სულისაგა შენისა თანა.

მღდელომან: ლუკასაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელომან: მოხედენ.

სახარებაჲ ლუკასი

მას ჟამსა შინა დადგა იესო ადგილსა ველსა, და ერი იგი მოწაფეთა მისთაჲ და სხვსა ერისა სიმრავლე ფრიადი ჰურიასტანით და იერუსალჴმით და ზღვს-კიდისაჲ, ტვროსით და სიდონით, რომელნი მოსრულ იყვნეს სმენად მისგან და განკურნებად სნეულებათაგან მათთა; და ურვილნი იგი სულთაგან არაწმიდათა განიკურნებოდეს. და ყოველი იგი ერი ეძიებდა შეახლებად მისა, რამეთუ ძალნი გამოვიდოდეს მისგან და განჰკურნებდეს ყოველთა. და თავადმან აღიხილნა თუალნი მისნი მოწაფეთა მიმართ და ეტყოდა: ნეტარ ხართ გლახაკნი სულითა, რამეთუ თქუენი არს სასუფეველი ღმრთისაჲ; ნეტარ ხართ თქუენ, რომელთა გშიის აწ, რამეთუ განსძლეთ; ნეტარ ხართ თქუენ, რომელნი სტირთ აწ, რამეთუ იცინოდით; ნეტარ იყვნეთ, რაჟამს მოგიძულნენ თქუენ კაცთა და ოდეს გამოგასხნენ თქუენ და გაყუედრებდენ და განჯადონ სახელი თქუენი, ვითარცა ბოროტთაჲ, მისათვის კაცისა. გიხაროდენ მას დღესა შინა და მხიარულ იყვენით, რამეთუ აჰა ესერა სასყიდელი თქუენი მრავალ არს ცათა შინა.

გუნდი: დიდებაჲ შენდა, უფალო, დიდებაჲ შენდა.

დიდებაჲ მამასა და ძესა და წმიდასა სულსა.

მეოხებითა ღირსისა მამისა ჩუენისა დოდო გარეჯელისაჲთა, მოწყალეო, აღვოცენ ცოდვათა ჩუენთა სიმრავლენი.

აწ და მარადის, და უკუნითი უკუნისამდე, ამინ.

მეოხებითა წმიდისა ღმრთისმშობელისაჲთა, მოწყალეო, აღვოცე ცოდვათა ჩუენთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღვოცე უსჯულოებანი ჩემი და შემიწყალე მე, ღმერთო.

გერი: შენ, ქადაგსა ჭეშმარიტებისასა და ყოვლად ბრწყინვალესა მნათობსა ქართველთა ერისასა ქებით შეგამკობთ, მამაო სანატრელო, დოდო გარეჯელო, და გევედრებით წადიერად: აღაპყრენ აწ ჳელნი შენნი ყოვლადწმიდისა მიმართ სამებისა და გვითხოვე შეუძრველად დაცვაჲ ეკლესიისა, ჳსნაჲ ივერიისაჲ ზედამოსვლათაგან მტერისა და მოცემად ჯუარითა ძლევაჲ ერსა ჩუენსა, და მორწმუნენი ღირს-გვყოს შენდობასა და წყალობასა.

მღდელი: აცხოვნე, ღმერთო, ერი შენი, და აკურთხე სამკუდრებელი შენი, მოხედენ სოფელსა შენსა წყალობითა და მოწყალებითა, აღამაღლე რქაჲ ქრისტეანეთა მართლმადიდებელთაჲ, და გარდამოავლინენ ჩუენ ზედა მდიდარნი წყალობანი შენნი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისაჲთა; ძლიერებითა პატიოსნისა და ცხოველსმყოფელისა ჯუარისაჲთა; მეოხებითა პატიოსანთა უკორცოთა ზეცისა ძალთაჲთა; პატიოსნისა, დიდებულისა, წინაღსწარმეტყუელისა, წინამორბედისა და ნათლისმცემელისა იოვანწსითა, წმიდისა დიდისა წინაღსწარმეტყუელისა ელია თეზბიტელისა და მართლისა ენუქისითა; წმიდათა დიდებულთა, და ყოვლად-ქებულთა მოციქულთა თავთა, პეტრწსა და პავლწსითა; წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა, ბართლომესი, თადეოზისა და მატათაჲსითა; წმიდათა შორის მამათა ჩუენთა, და მსოფლიოთა დიდთა მოძღუართა და მღდელთმთავართა: ბასილი დიდისა, გრიგოლი ღმრთისმეტყუელისა, და იოვანე ოქროპირისაჲთა; წმიდათა შორის მამისა ჩუენისა ნიკოლოზ მირონ-ლუკიის მთავარეპისკოპოსისა და საკურველთმოქმედისაჲთა; წმიდისა დიდებულისა და ლუაწლისა-მძლისა მოწამისა, ძლევა-შემოსილისა გიორგისა, და წმიდათა დიდთა ქალწულ-მოწამეთა ბარბარწსა და მარინწსითა; ღირსისა დედისა ჩუენისა, მოციქულთა სწორისა ქალწულისა ნინო ქართველთ განმანათლებელისა და

წმიდათა მოციქულთა სწორთა: მეფისა მირიანისა და დედოფლისა ნანაძსითა; წმიდათა მამამთავართა ჩუენთა: პეტრე, სამუელ, სარმიან, მამად, არსენ, მელქისედეკ, იოანე-ოქროპირ, ნიკოლოზ, ევდიმოზ, იოსებ, კირიონ, ამბროსისაძთა; ღირსისა მამისა ჩუენისა იოვანე ზედაზნელისა და ათორმეტთა მისთა მოწაფეთა, მეორედ განმანათლებელთა საქართველოს ეკლესიისა და მარადის მფარველთა მისთა, და მოწაფეთა შორის ღირსისა მამისა ჩუენისა დავით გარეჯელისაძთა; წმიდათა და სანატრელთა მამათა ჩუენთა: ლუკიანე, დამიანე, ონოფრე და სუმეონ გარეჯელთა, და წმიდისა მღვდელმოწამისა ნეოფიტე ურბნელისაძთა; ღმრთივგანბრძნობილთა ნეტართა მამათა ჩუენთა: ილარიონ ქართველისა, სერაპიონ ზარზმელისა, გრიგოლ ხანძთელისა და საბა იზნელისაძთა; ღირსთა მამათა ჩუენთა ათონელთა: იოვანე და გაბრიელ ქართველთა, იოვანე თორნიკ-ყოფილისა და ეფთჳმე და გიორგი მთაწმინდელთაძთა; წმიდათა დიდებულთა და ლუაწლისა-მძლეთა მოწამეთა ჩუენთა: რაჟდენისა, ევსტათი მცხეთელისა, ჰაბო ტფილელისა, გობრონისა, თევდორე მღვდლისა, ქრისტეფორე გურულისა, ნიკოლოზ დვალისა, კოზმანისა, არგვეთის მთავართა დავით და კონსტანტინჳსა და კონსტანტინე მთავრისაძთა; წმიდისა მთავარ-მოწამისა ბიძინასა და წმიდათა დიდებულთა მოწამეთა: შალვა და ელიზბარ ქსნის ერისთავთაძთა; წმიდისა მოწამისა შალვა ახალციხელისა და წმიდათა ათთა-ბევრთა მოწამეთა, ტფილისს ხუარაზმელთაგან მოწყუედილთაძთა; წმიდათა მოწამეთა ექვსი ათასთა გარეჯელთა ბერთა და მრავალთა წმინდათა მამათა და დედათა, აჭარაში თურქთაგან წამებულთაძთა; წმიდათა ლუაწლისამძლეთა მეფეთა და დედოფალთა: მირდატ, აშოტ, არჩილ, დემეტრე, ლუარსაბ, შუმანიკ და ქეთევანისაძთა; წმიდათა კეთილ-მორწმუნეთა და დიდთა მეფეთა ჩუენთა: ვახტანგ გორგასალისა, დავით აღმაშენებელისა, დემეტრე-დამიანჳსა, თამარისა და სოლომონისაძთა; წმიდისა ილია მართლისა, ექვთიმე ღმრთისკაცისა და ექვთიმე აღმსაარებლისაძთა; წმიდათა აღმსაარებელთა მამათა ჩუენთა, იოვანჳსი და გიორგი-იოანე

ბეთანიელთა და ღირსისა მამისა ჩუენისა არქიმანდრიტისა გაბრიელისა, აღმსარებელისა და სალოსისაათა; წმიდათა და მართალთა მშობელთა ღმრთისაათა იოაკიმ და ანნადსითა (და წმიდისა სახელი, რომლისა არს ტამარი); ღირსისა და ღმერთშემოსილისა მამისა ჩუენისა დოდო გარეჯელისაათა, და ყოველთა წმიდათა შენთაათა გვედრებით შენ, მრავალმოწყალო ღმერთო, შეისმინე ჩუენ ცოდვილთა ვედრებად, და შეგჳწყალებ ჩუენ.

გუნდი: უფალო, შეგჳწყალებ (12-გზის).

მღდელო: წყალობითა და მოწყალებითა და კაცთმოყუარებითა მხოლოდშობილისა ძისა შენისაათა, რომლისა თანა კურთხეულ ხარ, თანა ყოვლადწმიდით, სახიერით, და ცხოველსყოფელით სულით შენითურთ, აჲ და მარადის, და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: უფროდსად ამაღლებულმან, ღმერთმან მამათა ჩუენთამან, სახუმილი მოტყინარე ყრმათა მათ განუქარვა და იგინი ღაღადებდეს: ღმერთო შენ კურთხეულ ხარ.

ღირსო მამაო დოდო გარეჯელო, ევედრე ღმერთსა ჩუენთვს

ზეგარდამო გეუწყა რად აღსასრული შენი, მამაო, აკურთხევდი და განამტკიცებდი მოწაფეთა შენთა, რამეთუ მწუხარებდენ განშორებისათვს მოძღურისა მათისა და მოღუაწისა.

ღირსო მამაო დოდო გარეჯელო, ევედრე ღმერთსა ჩუენთვს

ვითარცა მწყემსმან კეთილმან, შეჳვედრე რად სამწყსო და მერმე სული თვისი უბიწოდ უფალსა, წარგიძლუა ანგელოზთა გუნდი, და აღგიყვანა წინაშე საყდარსა მისსა.

დიდებად მამასა და ძესა და წმიდასა სულსა.

ხედვიდენ რად პირსა შენსა, ვითარცა ანგელოზისასა,
მრავალმოღვაწე გვამი შენი შეხვიეს ძაძასა, და დაფლეს რად სენაკსა
შენსა, დაადეს ლოდი და დაუტევეს ხურელი აღმოსაღებად მიწისა.

აწ და მარადის, და უკუნითი უკუნისამდე, ამინ.

ცხოვრებისა საყუდელად გიცნობთ ყოველნი, ქალწულო, ღელვანი
ვნებათანი შესცვალენ მყუდროებითა, და სინანულისა მოგებად მოეც
მოსავთა შენთა.

გალობა 8, აკურთხევდითსა

ძლისპირი: შენ მხოლოსა, დამბადებელსა ყოველთასა, გალობა
სულიერი გიღაღადეს ყრმათა, ყოველნი საქმენი უფალსა
უგალობდით და ამაღლებდით მას უკუნისამდე.

ღირსო მამაო დოღო გარეჯელო, ევედრე ღმერთსა ჩუენთვს

დაღათუ საფლავმან დაგფარა, ღუაწლი შენი,
ღმრთივგანბრძნობილო, არცა-ღა დაინთქა სიღრმესა დავიწყებისასა,
არამედ სავანესა მას უწოდეს „დოდორქა“, და სენაკი შენი,
შექმნილი ეკლესიად, შეამკეს დიდებულად.

ღირსო მამაო დოღო გარეჯელო, ევედრე ღმერთსა ჩუენთვს

პატივი სიწმიდისად არცა სიკუდილისა მიერ განგემორა, რამეთუ
ღუაწლი შენი განადიდა ეკლესიამან და ნაწილთა შენთა სამარხოდ,
ვითარცა უფსკრული მადლთად ეპყრა ქართველთა.

დიდებად მამასა და ძესა და წმიდასა სულსა.

სავანე შენი მრავალგზის აოხრდა რად მტერთაგან, საფლავი შენი
იქმნა მიუდგომელ, და დაშრტა კანდელი წინაშე მისსა, ამისთვს

გარდასვენებად შენი დავითის ლავრსა განიზრახა ბერმან მიქაელ-გობრონ საბინინმან.

აწ და მარადის, და უკუნითი უკუნისამდე, ამინ.

შენ ხარ სასანთლე ბრწყინვალე ქრისტეს მკსნელისა, და შენდა შეეწირავთ მსოფლიოსა ქებასა, გიხაროდენ, ქალწულო, სასოო სოფლისაო, გიხაროდენ შენ, სნეულთა ძალო და მკურნალო.

გალობა 9, ადიდებდითსა

ძლისპირი: ისაია მხიარულ-იყავ, ქალწულმან მუცლად-ილო, ჰშვა ძე დაუსაბამო, ემმანუილ ღმერთი და კაცი, აღმოსავალ სახელი მისი, მას ვადიდებდეთ და რომელმან ჰშვა იგი, ვნატრიდეთ.

ღირსო მამაო დოდო გარეჯელო, ევედრე ღმერთსა ჩუენთვს

ძნიადღა პოეს დოდორქას ტაძარი შენი ბერთა, და აღმოწმიდეს რაჲ აღვსილი ლამითა და ქვითა, აღასრულეს პარაკლისი და ვითარცა წმიდასა ეკლესიისასა, გევედრებოდენ შეწევნასა.

ღირსო მამაო დოდო გარეჯელო, ევედრე ღმერთსა ჩუენთვს

აღხადეს რაჲ ლოდი სამარხოსა, აღმოცდა მისგან სული სულნელებისად, და ყოველნი ძრწოლით გაქებდენ შენ, ღირსო, და ადიდებდენ ღმერთსა, მას ევედრე აწ განმტკიცებისათვს სარწმუნოებისა ჩუენისა.

დიდებად მამასა და ძესა და წმიდასა სულსა.

აღმოსვენეს რაჲ წმიდად ნეშტი შენი, ნეტარო, წარიხუნეს გალობითა, და აჰა, წინა მიეგებნეს მამანი ლიტანიითა, და შეასვენეს რაჲ ეკლესიასა, დაკრძალეს მახლობლად დავითისა.

აწ და მარადის, და უკუნითი უკუნისამდე, ამინ.

განმანათლე მე, ღმრთისმშობელო, ვნებათა ბნელსა შინა შეყენებული ესე, გამომჰსენ ცეცხლისა მისგან, ცოდვილი ესე საწყალობელი, შემდგომად ღმრთისა სასოო ჩემო, ყოვლადწმიდაო.

ღირს არს ჭეშმარიტად რაფთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერობინთასა და აღმატებით უზესთაესსა სერაფიმთასა, განუბრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებთ.

მღდელი აკმევს, მკითხველი ან ერისკაცი კითხულობს:

მსმენელნი ღუაწლისა შენისანი დიდისა დავითისა თანა გაქებთ, მნათობო ქართველთა ერისაო და უმეტეს კახეთისაო, მონაზონთა შორის ბრწყინვალეო მამაო დოდო, და მოვისწრაფით გარეჯსა - ნაწილთა თქუენთა წმიდასა საყოფელსა, რომელ ვითარცა წყაროდ დაუწყვედელი, აღმოაცენებს მადლთა სურნელებასა და გევედრებით: წარმწყმედელთა გზათაგან განგვარინეთ და დაგვფარეთ ცოდვით დაცემისაგან.

ეჰა, ვითარნი ღუაწლნი აჩუენე ქრისტეს სამწყსოსათვს, სანატრელო მამაო, რამეთუ დიდებულად შეამკვევ წმიდად ეკლესიად ცხორებისა ბრწყინვალეობითა, და ღაღადებს უდაბნოდ გარეჯისა და გვიწმობს ქებად ღუაწლისა შენისა და სიწმიდისა, ხოლო ჩუენ ვიხარებთ სულითა და ვითხოვთ შენმიერსა შეწევნასა წინაშე ღმრთისა, რაფთა განაშოროს ყოველი სილალწ და ამპარტავნებად დაბნელებულისაგან გონებისა ჩუენისა და დამგვამტკიცეთ კლდესა მას ზედა ქრისტეს მცნებათასა.

შემოვკრბეთ, ზ, ერნო ქართველთანო, და შესწმითა სულიერიითა შევამკობდეთ სანატრელსა მამასა ჩუენსა დოდოს, ვითარცა უდაბნოსა სავანთა განმამრავლებელსა და მართალსა სარწმუნოებასა შინა ქართველთა დამამტკიცებელსა, რომელმან მდიდრად მოჰფინა

მადლი და კურნებანი ქუეყანასა ჩუენსა და ვადიდებდეთ ქრისტესა ღმერთსა, რამეთუ მოსცა ესევეითარი მამაჲ და მეოხი დედისა მისისა წილ-ხუდომილსა ერსა ჩუენსა.

ჟ, სანატრელო მამაო ჩუენო დოდო, ყოვლად ბრძენო, არა მხოლოდ მკვდრ ხარ შენ ზეცისა, არამედ მლოცველი და მსწრაფლშემწე, და ყოვლად ძლიერი მფარველი მრავალჭირნახულისა ერისა ჩუენისა, ამისთვის აღგძრავთ შენ მეოხებად ღმრთისა მიმართ, განაქარვოს მზაკუვარებაჲ მტერთა ჩუენთაჲ და ძალი, სიბრძნე, და ერთსულოვნებაჲ მოჰმადლოს განბნეულსა ერსა ქართველთასა.

მოლუაწებრითა კადნიერებითა მოიხილე ჩუენ ზედა, რომელნი გიხმობთ შენ, ჟ, მამაო საკვრველო, და შეგვაწყნარე მფარველსა ერისა ჩუენისასა, შენ მიერ შეყუარებულსა ღმრთისმშობელსა, რადთა თქმულნი მისნი აღასრულოს, ვითარცა მოწყალემან და ნუ განგვაშორებს ყოვლადწმიდასა საფარველსა თვისსა, არამედ შეგვეწიოს ყოველსავე ჭირსა და საცთურსა შინა და აღგვაგოს მღვდარებითა საღმრთოდთა, რადთა ყოველნი ვიქმოდეთ სამართალსა, და მადლსა და დიდებასა აღუვლენდეთ ღმერთსა:

წმიდაო ღმერთო, წმიდაო ძლიერო, წმიდაო უკუდაო, შეგზწყალენ ჩუენ (3-გზის).

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგზწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგზნდვენ უსჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათვის.

უფალო, შეგზწყალენ. (3-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაჲ მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიცსნენ ჩუენ ბოროტისაგან.

მღღელმან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყვს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებად მამასა და ძესა და წმიდასა სულსა

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩვენ ფრიად, და ნუცა მოიჯსენებ უსჯულოებათა ჩუენთა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვსაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი კელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალეებისა კარი განგვღე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდგომთა მტერთაგან, რამეთუ შენ ხარ ცხობრებად ნათესავისა ქრისტეანეთაჲსა.

მღდელო: შეგზწყალენ ჩუენ, ღმერთო, დიდითა წყალობითა შენითა, გვედრებით, ისმინე და შეგზწყალენ.

გუნდი: უფალო, შეგზწყალენ (3-გ ზის).

მღდელო: მერმეცა გვედრებით, წყალობისა, სიცოცხლისა, მშჯდობისა, სიმრთელისა, დღეგრძელობისა, ცხორებისა, განათლებისა, მოტევეებისა, კეთილად წარმართებისა და მყუდროებისა მონათა (ანუ მკვევალთა) ღმრთისადათა და ყოველთა შჯლთა ჩუენისა ეკლესიისადათა, რადათა დაიცვას უფალმან ღმერთმან ჩუენმან სამეუფოდ ქალაქი ესე ჩუენი და წმიდაჲ ესე ეკლესიაჲ და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახჯლისა, უცხო-თესლთა ზედა მოსლჯსაგან, ბრძოლისა და სიკუდიდშემოსილისა წყლოულებისა, რადათა მოწყალე გუექმნეს ჩუენ ღმერთი კეთილად დგომისათჯს სახიერებითა და კაცთმოყუარებითა თჯსითა, და გარე-წარაქციოს რისხვაჲ, მარად დღე ჩუენ ზედა მომავალი, და გჯკსნეს ჩუენ სამართლად ჩუენ ზედა მოწევნულისა რისხვისაგან, და შეგზწყალნეს ჩუენ.

გუნდი: უფალო, შეგზწყალენ (12-გ ზის).

მღდელო: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორს, და მლხინებელ, და მოწყალე ექმენ შეცოდებათა ჩუენტა, და შეგზწყალენ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვაგლენთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჰ, ნათელ-ცისკროვნო ვარსკვლავო უდაბნოდსაო, ღირსო მამაო ჩუენო დოდო გარეჯელო, დიდო იღუმენო „დოდორქის“ საღმრთოდსა სავანისაო და სიქადულო საუფლოდსა ერისა ჩუენისაო; მოღუაწებისა ძეგლო და მტკიცეო კლდეო სარწმუნოებისაო; მამათა წინამძღუარო და შუენიერო სამკაულო ქრისტეს ეკლესიისაო; მრავალთა სასწაულთა მოქმედო და მეოხო ჩუენო წინაშე მაცხოვრისა და ყოვლადწმიდისა დედისა მისისაო!

ჰ, მამათა შორის კეთილმსახურებითა განბრწყინვებულო, დიდო საკვრველთმოქმედო დოდო გარეჯელო! რომელი ზეგარდამოდთა განგებულებითა ღმრთისაათა მიიწიე გარეჯისა უდაბნოსა ნავთსაყუდელად სულთა და განმამრავლებლად სავანეთა, სრულ ყავ ანგელოსებრივი სრბაჲ შენი ქუეყანასა ზედა, და აღმაღლდი რაჲ ჯორცთაგან წინაშე ქრისტჳს ღმრთისა და მაცხოვრისა, მოჰმადლე ყოვლად ქებული ნაწილნი შენნი წმიდასა ეკლესიასა, ნათლად და გვრგვნად მადლთა, და თაყუანის-ვსცემთ მათ და გევედრებით: მეოხ გუეყავ წინაშე მისსა, რაჲთა მადლი თვისი და წყალობაჲ განუახლოს დედისა თვისისა წილხდომილსა ერსა ჩუენსა, მტვრთველსა საუფლოდსა ჯუარისაჲსა ქუეყანასა ზედა, და დაგვიცვას მტერისა საფრჯისაგან და ანტიქრისტეს სიცბილისაგან და მძლავრებისა. მრავალშემძლებელითა ძალითა შენითა დაიფარე და განამტკიცე უწმიდესი და უნეტარესი, სრულიად საქართველოს კათოლიკოს პატრიარქი და მცხეთა-თბილისის მთავარეპისკოპოსი, და ბიჭვინთისა და ცხუმ-აფხაზეთის მიტროპოლიტი, მამაჲ ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, და ყოველნი სამღდელო და სამონაზვნო წესნი. განამლიერე ღმრთისმსახურნი და ყოველნი მართლმადიდებელნი ქრისტიანენი.

ჰ, უქმთა უდაბნოთა ქალაქყოფელო და კეთილად განმგებელო მოღუაწეო, ღირსო მამაო ჩუენო, წმიდაო დოდო გარეჯელო! რომელმან აღირჩიე ცხოვრებაჲ ანგელოზებრივი და შეიმოსე წმიდაჲ

იგი სქემად მონაზონებისად, აწ მოგვკსენენ წინაშე ღმრთისა, რამეთუ გაქუს კადნიერებად დიდი მისა მიმართ, რადთა მოჰმადლოს ეკლესიათა განბრწყინვებად, სამღდელოთა - პატიოსნებად, მთავართა და განმგეთა ჩუენთა - კეთილად მწყსად ერისად, მკედართა - მამაცობად, ერისაგანთა - უცოდველობად და დედათა - კრძალულებად, ხოლო ჩუენ აღგვაორძინოს და განგვამრავლოს და აღგვავსოს სულითა სიბრძნისადთა, ურთიერთასისა სიყუარულითა და საღმრთოჲსა გულისწმის-ყოფისადთა, აღგვიდგინოს სიმართლისმოყუარებად, მრავალშვილიანობად და ქურივ-ობოლთა შეწყალებად. მოგუანიჭოს სიწმიდითა ცხორებისა სიყუარული, უჯეროთა საქმეთა სიძულვილი და გულისა შემუსრვილებად, რადთა არა გვეუფლოს განმბრწყნელი იგი სული ამა საუკუნისად, და ზეცისა მოქალაქობასა ღირს-ქმნილნი შენ თანა უგალობდეთ, ვაკურთხევდეთ და დიდების-ვმეტყველებდეთ ყოვლადწმიდასა სამებასა, რომელსა მხოლოსა შუენის ყოველი დიდებად, პატივი და თაყუანის-ცემად, მამისა და ძისა და წმიდისა სულისა, აწ და მარადის და უკუნითი უკუნისამდე. ამინ.

მღდელო: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატიოსნესსა ქერობინთასა და აღმატებით უზესთაესსა სერაბინთასა, განუხრწყნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებთ.

მღდელო: დიდებად შენდა, ქრისტე ღმერთო, სასოებაო ჩუენო, დიდებად შენდა.

გუნდი: დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უფალო, შეგვწყალებენ (3-გზის). გუაკურთხენ.

მღდელო: ჩამოილოცავს...

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აჲ და მარადის და უკუნითი უკუნისამდე, ამინ.

უფალო, შეგჳწყალენ (3-გ ზის)

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, ღირსისა და ღმერთშემოსილისა მამისა ჩუენისა დოდო გარეჯელისაჲთა და ყოველთა წმიდათაჲთა, შეგჳწყალენ ჩუენ, ამინ.

ხატისა მთხვევასა ზედა ვჰგალობთ ესრეთ:

გჳვი შენ მცველად მიურულებელად, სამ-გზის სანატრელო წმიდაო დოდო, და გევედრებით: გვიმოხე წინაშე ღმრთისა, რაჲთა სულნი ჩუენნი იჴსნნეს მონებისაგან ბნელისა ეშმაკისა და ტყვეობისაგან ვნებისა, ხოლო ჟამსა მას შინა განსჯისასა განგვარინოს საუკუნეთა მათგან მწარეთა სატანჯველთა.

ყოვლადწმიდაო ღმრთისმშობელო, უბიწოო სძალო და დედაო, ქალწულო მარიამ, მოგუხედენ სარწმუნოებით თაყუანის-მცემელთა და სურვილით ამბორის-მყოფელთა, პატიოსანისა ხატისა წმიდისა დოდო გარეჯელისასა, ხოლო მადლი მისი და წყალობაჲ შენი თანამავალ მეყავნ ჩუენ ყოველთა დღეთა ცხორებისა ჩუენისათა.

ავტორ-შემდგენელი თინათინ მჭედლიშვილი

